

# Powšitkowne WOZJEWJENJA

njedźelu, 17. meje 2026

## **Nabožne wusyłanja w serbskim rozhłosu**

Prědowanje w MDR serbskim rozhłosu ma tutu njedźelu, 17. meje, tachantski farar Wito Šćapan z Budyšina. Wotkaz na nabožne wusyłanje mediateki MDR je pod [www.posol.de](http://www.posol.de) podaty.

## **Mejski nyšpor TCM**

Towarstwo Cyrila a Metoda z.t. (TCM) přeprašuje na mejski nyšpor, kotryž budže njedźelu, 17. meje, w 17.00 hodź. w Róžeńčanskej swjatnicy. Chór Bratrowstwa jón wobrubu. Wšitcy su wutrobnje witani.

## **Na mjezynarodny dzeń muzejow**

Na mjezynarodnym dnju muzejow njedźelu, 17. meje, móža zajimcy tež Budyski Serbski muzej darmotnje wopytać. W 17.00 hodź. poskićuja mjez druhim wodženje k temje „Nowa Doba – Serbja w powójnskim času a zažnej NDR“ z muzeologom Alexandrom Pólkom. Wšitcy zajimcy su wutrobnje přeprašeni.

## **Pišćelowy koncert w Kamjencu**

Kantor Drježdźanskeje cyrkwy Našeje knjenje Matthias Grünert wuhotuje njedźelu, 17. meje, pišćelowy koncert w třoch cyrkwjach w Kamjencu. W 16.00 hodź. w cyrkwi swjateho Justa, w 17.30 hodź. w klósterskej cyrkwi swjateje Hany a w 19.00 hodź. we hłownej cyrkwi swjateje Marije. Zastup je darmotny, wo dary proša.

## **Serbske wodženje po Małym Wjelkowje**

Na serbskim wodženju srjedu, 20. meje, we 18.00 hodź. móža sej zajimcy Mały Wjelkow bliže wotkryć. Historikarka Serbskeho instituta dr. Lubina Malinkowa chce so tam wuwicu wsy a jeho wuznamej za serbske kulturne stawizny wěnować. Městnosć njebě jeno wažne nabožne srjedzišćo ewangelskich Serbow, ale we 18. lětstotku tež centrum serbskeho pismowstwa. Wodženje zahaji so na Zinzendorfowym naměsće a wotměje so w rjedže Serbskeho instituta „Sorabistika po puću“.

## **Koncert operetow Serbskeje komorneje filharmonije**

Pod hesłom „Miły wětřik nas nosy“ přeprašuje Budyski Serbski ludowy ansambl (SLA) na koncert operetow ze Serbskej komornej filharmoniju, kotryž budže sobotu, 23. meje, w 19.30 hodź. na žurli SLA. Mjez druhim zaklinča twórby Johannesa Brahmsa a dalších komponistow kaž tež wobdźělanja serbskich a rumunskich ludowych spěwow. Zastupne lisćiki su w interneće a online na předań. Link je pod [www.posol.de](http://www.posol.de) podaty.

## **Ministrantska kopańca**

Koparski turněr ministrantow ze serbskich wosadow sobotu, 27. junija, w Pěškecach. Započatk budže w 9.00 hodź. z Božej mšu we wjesnej kapałce.

## Nalětni koncert chóra Lipa

Chór Lipa přeprašuje zhromadnje z Křescansko-socialnym kubłanskim skutkom Sakskeje wšitkich zajimcow na nalětni koncert, kotryž wuhotuje njedzelu, 31. meje, w 15.30 hodž. na zahrodze Zežiwjenskeho a zeloweho centruma w klóštrje Marijinej hwězdze w Pančicach-Kukowje. Program wuhotuja Lipjenjo zhromadnje z Błótowskim žónskim chórom z Lubina w blótowskej serbskej drasće kaž tež Lipjanskej džěčinu Lipki. Wot 15.00 hodž. poskića tam kofej a tykanc.

## Prózdnińska jězba za 4. do 8. lětnik

Dekanatne dušepastyrstwo za džěci a młodžinu we Worklecach přeprašuje šulerki a šulerjow nětkišeho 4. do 8. lětnika w lětnich prózdninach na jězbu do Zhorjelca. Wona wotměje so wot pónđzele do pjatka, 3. do 7. awgusta. Swójski přinošk na wobdžělnika wučinja 130 eurow. Přizjewjenja přijimaja hač do njedzele, 31. meje, online. Link na wotpowědnu stronu je pod [www.posol.de](http://www.posol.de) wozjewjeny.

## Džěci z hajnikom do Božeje stwórbu

Sekcija swójby Towarstwa Cyrila a Metoda z.t. (TCM) přeprašuje džěci 4. a 5. lětnika, so sobotu, 13. junija, zhromadnje z klóšterskim hajnikom Guidom Budarjom z Božeje stwórbu bliže zeznajomić. Wone zetkaja so w 10.00 hodž. w Smječkecach při hajnkowni, Winicowa 13 (Weinbergstraße), hdžež so zarjadowanje w 14.00 hodž. tež skónči. Wottam podadža so pěši na puć po lěsu, zo bychu Božu stwórbu widželi, slyšeli a čuli. Za to trjebaja krute črije a wotpowědnu drastu. Pućowanje wotměje so tež při špatnym wjedrje. Mjez druhim móža wobdžělnicy štomiki a druge rostliny sadžeć. Přinošk wučinja tři eura na džěco. Wobdžělic móže so jeničce 20 džěci. Wotkaz za přizjewjenje je pod [www.posol.de](http://www.posol.de) podaty.

## Zjězd biskopstwoweje młodžiny w Pančicach-Kukowje

Młodostni z cyłeho Drježdžansko-Mišnjanskeho biskopstwa – tež serbscy – su přeprašeni, pěši abo z kolesom zhromadnje do klóštra Marijineje hwězdy w Pančicach-Kukowje putnikować. Tam wotměje so sobotu a njedzelu, 13. a 14. junija, zjězd biskopstwoweje młodžiny. Wobsteji móžnosć so 20 respektiwne 50 kilometrow z kołom abo 7 respektiwne 12 kilometrow pěši na puć podać. Po puću su přestawki a impulsy planowane. Sobotu budže w klóštrje pisany program ze wšelakimi džěłarničkami, modlenjom a spěwanjom. Nazajtra, njedzelu, budže zhromadna Boža mša z diecezanskim młodžinskim dušepastyrjom Michaelom H. Kreherom. Link k dalšim informacijam a k přizjewjenju je online pod [www.posol.de](http://www.posol.de) wozjewjeny.

## Na konferencu AUGEN:BLICK do Lubija

Worklečanske dekanatne dušepastyrstwo za młodžinu přeprašuje serbskich młodostnych, sej na přednošk znateho filozofa a teologi dr. Johannes Hartla do Lubija. Tam wotměje so wot pjatka do njedzele, 29. do 31. meje, wjacednjowska konferenca wšelakich křescanskich wosadow a skutkow Hornjeje Łužicy AUGEN:BLICK. Přednošk budže sobotu, 30. meje, w 19.30 hodž. Po tym poskića tak mjenowanu lounge z přikusom, dušepastyrstwom kaž tež poskitkami k modlenju. Wotjězd z awtami je w 17.00 hodž., mjez druhim z Chrósćic, planowany. Wróco pojědu młodostni něhdže w 22.30 hodž. Zastup je darmotny. Přizjewjenja su online hač do pjatka, 22. meje, móžne. Link je pod [www.posol.de](http://www.posol.de) podaty.